

詩

聲

類

詩聲類卷之一

翰林檢討曲阜孔廣森

書有六諧聲居其一焉偏傍謂之形所以讀之謂之聲聲者從其偏傍而類之者也小學文字之書以形爲經者莫善於說文以聲爲經者莫備於唐韻夫去古日遠篆降而隸隸降而楷雖形猶失其本況聲之無所準者乎今據唐韻以上求漢魏人詩歌銘頌已合者半否者半據漢魏人之文以上求三百篇又合者半否者半雖然所合與否固皆有蹤跡理絡可尋而復也唐韻二百六部蓋本於隋陸法言等數人之所定其意大率斟酌消息使通乎今不礙乎古古者

讀灰近皆後世讀灰近哈切韵則厠灰于皆哈之間而兩別之古者讀庚入唐後世讀庚入耕切韵則厠庚于唐耕之間而兩別之既分古侯虞之屬爲二而侯未敢混於尤虞未敢混於模其它冬鍾覃談先仙蕭宵之界莫不各有意義迨唐功令以詞賦取士病其部狹律嚴一切同用而聲學始訛矣是故知蕭宵之不可併而後知古音蕭本幽之類也宵則肴豪之類也知先仙之不可併而後知古音先與真諄臻文殷魂痕爲一類仙與元寒桓刪山爲一類知覃談之不可併而後知侵覃凡爲一類談鹽添咸銜嚴自爲

一類知冬鍾之不可併而後知東鍾江爲一類冬自爲一類知侯虞之不可分而後知虞與魚模兩類之辨知唐庚之不可分而後知庚與耕清青兩類之辨知灰不可離皆合哈而後知哈類於之也皆灰類於脂微齊也又知其各與支佳不相類也竊嘗基於唐韵階於漢魏躋稽於二雅三頌十五國之風而繹之而審之而條分之而類聚之久而得之有本韵有通韵有轉韵通韵聚爲十二取其收聲之大同本韵分爲十八乃又剖析於斂侈清濁豪釐纖眇之際曰元之屬耕之屬真之屬陽之屬東之屬冬之屬侵之屬

蒸之屬談之屬是爲陽聲者九曰歌之屬支之屬脂之屬魚之屬侯之屬幽之屬宵之屬之屬合之屬是爲陰聲者九此九部者各以陰陽相配而可以對轉其用韵疎者或耕與真通支與脂通蒸侵與冬通之宵與幽通然所謂通者非可全部混淆閒有數字借協而已至於入聲則自緝合等閉口音外悉當分隸自支至之七部而轉爲去聲蓋入聲創自江左非中原舊讀其在詩曰參差荇菜左右芼之窈窕淑女鐘鼓樂之初不知哀樂之樂當入聲也離騷曰理弱而媒拙兮恐導言之不固時溷濁而嫉賢兮好蔽美

而稱惡初不知美惡之惡當入聲也昔周捨舉天子
聖哲以曉梁武帝帝雅不信用沈約作郊居賦以示
王筠讀至雌霓連蜺句常恐筠呼霓爲倪是則江左
文人尙有不知入聲者況可執以律三代之文章哉
自沈氏釋詩顏氏注漢書多有合韵音某至吳才者
大暢叶音之說而作韵補要其謬有三一者若慶之
讀羌皮之讀婆此今音訛古音正而不得謂之叶二
者古人未有平聲仄聲之名一東三鍾之目苟聲相
近皆可同用而不必謂之叶三者凡字必有一定之
部類豈容望文改讀漫無紀理以至行露家字二章

音谷三章音公於嗟乎騶虞首章五加反次章五紅
反抑重可嗤已廣森學古音幸生於陳季立顧寧人
二君子之後既已辨去叶音之惑而識所指歸近世
又有段氏六書音均表出藉得折衷諸家從其美善
若之止志收尤有宥之半模姥暮收麻馬禡之半歌
寄箇收支紙寘之半耕耿靜收庚梗映之半昔入於
陌錫入於麥而別以其半歸於沃藥皆顧氏得之矣
真元之列爲二支脂之之列爲三幽別於宵侯別於
幽而復別於魚皆段氏得之矣至乃通校東韻之偏
傍使冬割其半鍾江通其半故大明雲漢諸篇雖出

入于蒸侵而不嫌其汜濫分陰分陽九部之大綱轉
陽轉陰五方之殊音則獨抱遺經研求豁悟於思我
小怨祇自底兮肆戎疾不殄等向之不可得韵者皆
一以貫之無所牽強無所疑滯誠慮罕發於前聞沿
疑於後進知此者稀倘昭所尤輒復旁引博驗疏通
證明卽唐韵以爲柢指毛詩以爲正所因所革總而
錄之竊取李登聲類之名以名是編蓋文字雖多類
其偏傍不過數百而偏傍之見於詩者固已什舉八
九苟不知推偏傍以諧衆聲雖徧列六經諸子之韵
語而字終不能盡也故左方載詩所見字而止有信

愚說者觸類而長之觀其會通焉可矣

原類陽聲第一

歌類陰聲第十

丁類第二

辰通用

支類第十一

脂通用

辰類第三

脂類第十二

陽類第四

魚類第十三

東類第五

侯類第十四

冬類第六

綏蒸通用

幽類第十五

宵之通用

綏類第七

宵類第十六

蒸類第八

之類第十七

談類第九

合類第十八

陽聲一

唐韻平聲二十二元二十五寒二十六桓二十七

刪二十八山二仙上聲二十阮二十三旱二十四

緩二十五潛二十六產二十八

凡都首之字古音不在本類者

規議之後放此去聲二十五類二十八翰二十九換三十

諫三十一禡三十三線廿音合爲一部其偏傍見

詩者有从泉从袁从亘从爰从采从樊从繁从半

从言从干从叩从難从安从晏从奴从旦从莧从

菱从元从丸从專从卅从厂从官从山从閒从閑

从畧从犬从延从丹从塵从連从冑从虔从衍从

焉从肩从膚从死从展从巽从憲从束从奐从母
从亂从段从曼从弁从羨从散从見从燕五十有
四類凡此類諧聲而唐韵誤在他部之字竝當改
入唯與歌寄箇戈果過麻馬禡部可以互收

原園垣貍諼番幡燔蕃藩樊繁裨言軒

已上十五字詩所見者今

在元韵其所未見以偏傍推之凡唐韵本部有誤收之字如此韵墳塤掀三字當改入文殷韵之類俱互

詳各卷亦以偏傷推之後放此單輝曄歎難安餐檀干乾殘

已上十

韵案古詩三聲通協今韵本未能一一盡備若民

勞縵反諫同用今上聲不收諫字去聲不收反字之

類即有一字數收者詩又未必各如其調若天方類
難今訓當平聲而韵遠字兄弟急難今訓當去聲而
韵原字之類故茲定例凡所列字皆舉略以推然如
歎難已見平聲則去聲不重見乾已見寒韵則仙韵

亦不重見
後放此
完莞九溥博冠欒寬已上八關還環顏管

蠻已上六山閒蘭閑已上四僊遷然挺旃塵連漣泉

宣僊悁虔愆懸焉已上十六肩唐韵誤入一先還子

閒兮竝驅從兩肩兮折我謂我僊兮○从肩之字聲

當以顧為正案顧氏古音反切輒就唐韵之紐而

改其韵非也古今音變韵既大說紐豈無異今唯書

傳確有可徵者始注云古讀若某否則但據其偏傍

注云某聲即明當在某類矣若本字音誤而從其偏

傍之字有不誤者注云从某之字聲當以某為正數

者皆無所依則闕焉

遠巘反阪婉綬咍已上七亶罕已上二管瘡已上二

板僂已上二簡產衍踐幘墀煖變轉悉選已上九

願怨獻憲已上四翰旦岸衍漢爛粲已上七渙貫館

字已換上六韻

已上七
字諫韻

字已
線上
韻六
霰

無幾相見樂酒今夕女子行維宴○古讀若散案

九章望長楸而太息兮涕淫淫其若霰過夏首

浮兮顧龍門見甫田婉兮嬖兮總角卅兮未幾

見與此詩合見見兮突而弁兮頰弁見霰字下

見之字聲
寔寔
言洪則有岸
陰則有津
總角之寔

有必言必支必削風友有必見燕之

不與公在○古與宴司馬下○人見燕字

當以

1

陽聲原類終

詩聲類卷之二

陽聲二上

唐韵平聲十三耕十四清十五青上聲三十九耿
四十靜四十一迥去聲四十四諍四十五勁四十
六徑古音合爲一部其偏傍見詩者有从丁从顛
从爭从生从羸从盈从𣎵从貞从壬从殼从正从
𠂔从令从頃从駢从𠂔从开从𠂔从寔从冥从平
从敬从鳴从𠂔𠂔𠂔有四類凡此類諧聲而唐韵誤
在他部之字竝當改入唯與支紙寘𠂔佳蟹卦錫
一部可以互收

丁嚶爭已上三清菁旌羸盈楹營縈楨禎成城程醒

聲正征名令傾駢袞唐杜獨行袞袞豈無他人不

從之袞以表得聲還從我同姓文選注引作焚焚當

不合韵今經文誤也蓋清之與仙若支之與歌故周

秦之間支歌漸淆清仙亦或相混而漢志引齊詩作

子之營兮似併還儼有讀入清韵者矣已上二十四

二字清韵青經涇刑庭霆馨星靈苓零寧聽冥已上十四

平已下十字唐韵誤入十二庚常棣喪亂既平既安

聲相彼鳥矣猶求友聲矧伊人矣不求友生神之聽

之終和且平節南山昊天不平我王不寧黍苗原隰

既平泉流且清皇矣脩之平之與作之屏之隔協江

漢四方既平王國庶定時靡有爭王心載寧常武四

方既平徐方來庭那既和且平依我磬聲烈祖既載

清酤賚我思成亦有和羹既戒既平融假無言時靡

有爭唐韵正曰羹字不入韵萃鹿鳴呦呦鹿鳴食

案从平之字聲當以萍為正

鼓瑟驚車攻蕭蕭馬鳴悠悠旆旌御不驚大庖不
吹笙驚盈常武如雷如霆徐方震驚○古讀若局下
同荆采芑蠻荆來威與如鳴雉有苦葉有滿濟盈有
朝既盈矣匪雞則鳴蒼蠅之聲鹿鳴見萃字下伐木
見平字下車攻見驚字下小宛題彼脊令載飛載鳴
我日斯邁而月斯征夙興夜寐無忝爾所生卷阿鳳
皇鳴矣與梧桐生矣隔協有聲嗶嗶厥聲蕭雍和鳴
先祖是聽○瑩洪興充耳琇瑩會弁如星著充耳以
古讀若名瑩青乎而尚之以瓊瑩乎而○从然之
字聲當以生常棣伐木見平字下節南山不弔昊天
縈為正生亂靡有定式月斯生俾民不寧小宛見
鳴字下著之華若之華其葉青青知我如此不如無
生文王國王國克生維周之禎縣虞芮質厥成文王
厥生卷阿見鳴字下殷武壽考且寧以侏我後生○
从生之字聲當以星為正唐韵正曰孟子浩生不害
漢書儒林傳有皓星公趙充國傳有浩甥猗嗟終日
星賜三文互異總以音同而借之耳甥猗嗟終日
正兮展笙鹿鳴見牲雲漢靡神不舉靡愛斯
我甥兮笙萃字下牲牲圭璧既卒寧莫我聽

領聘屏

已上三韻
字靜韻

政姓聘

已上三韻
字勁韻

定倩

已上二韻
字徑韻
唐韻誤入四十三
韻

陟降庭止維子小子風夜
敬止○古讀若頰去聲

案此類內令苓零三字詩獨多通入真韻顧氏

遂据邶風之榛苓鄘風之零人齊風秦風之顛

令斷爲从令之字古唯有鄰音其實小宛題彼

脊令未嘗不與鳴征生同用而不寧不令亦未

嘗非一句兩韻也顧氏謂楚詞悼芳艸之先零

句始誤入青韻殊不然領字亦从令四牡項領

獨非入靜韻者乎左傳引逸詩講事不令集人

來定藉幸不爲夫子所刪固亦在風雅之中顧
氏所未敢訾也若儀禮冠辭以歲之正以月之
令則且先於列國之風久矣大氏真清音本相
近顧氏所謂吳人讀耕清青皆作真音者是也
三百篇審音較精故通者較少然巧笑倩兮青
生得聲倩以青得聲唐韵收在四十六徑是也
其三十二霰又重見乃誤以古通韵爲正韵耳
美目盼兮無競維人四方其訓之不顯維德百
辟其刑之竝確然爲兩部合用易繫辭以身與
成同用而我聞其聲不見其身何人斯寔有之
訟彖傳以淵與成正同用而叢鼓淵淵嘒嘒管

聲那寔有之革彖傳兌彖傳以人與成貞同用

而百室盈止婦子寧止續古之人良耜寔有之

文言及乾大畜彖傳數以天與命形成平情精

寧貞正等同用而瞻印昊天有嘽其星雲漢寔

有之雲漢八章皆不換韻則首章天人臻牲聽亦通為一韻矣其在屈宋則

名可以韻均可以韻天離騷皇覽揆余于初度兮肇錫余以嘉名名余

曰正則兮字余曰靈均九章堯舜之抗行兮瞻杳杳而薄天衆讒人之嫉妒兮被以不慈之偽

名榮可以韻人遠遊嘉南州之炎德兮麗桂樹之冬榮山蕭條其無獸兮野寂

寔其生可以韻身卜居寧正言不諱以危身清乎將從俗富貴以媿生乎清

平生憐新人可以銷然相韻九辨寂寥兮收潦而水清惜悽增歎

兮薄寒之中人愴悵兮去故而就新坎廩
兮貧士失職而志不平廓落兮羈旅而無友生
惆悵兮而私自憐春秋經年夫左氏作佞夫儀禮今文

肩爲鉉考工記凡行奠水鄭司農讀爲停水堯
典平章百姓漆書古文作辯章平在朔易史記
作便在伏物劉向校列子序云或字誤以盡爲
進以賢爲形似此皆二類通合之訛但所通合
多在真先鮮及文殷魂痕是其清濁之微分又
不可不審耳說文邠讀若寧蹕讀若莘趨讀若
焚敗讀若鏗鏘之鏗古文以爲賢
字

陽聲二下

唐韻平聲十七真十八諄十九臻一先二十文二
十一殷二十三魂二十四痕上聲十六軫十七準
二十七銑十八吻十九隱二十一混二十二很去
聲二十一震二十二稕三十二霰二十三問二十
四焮二十六恩二十七恨古音合爲一部其偏傍
見詩者有从口 諄 从口 諄 从辰从彡从聖从因从
辛从臣从人从申从頻从彝从眞从塵从巾从困
从分从民从身从殷从旬从勻从屯从辜从秦从
命从先从千从田从開从夭从門从云从員从焚
从尹从熏从斤从堇从昆从肅从孫从飧从存从

軍从侖从艮从川从扁从眾从矜从文从刃从夷
从引从允从盈从豚从壘从典从兔从𠂔从冉从
一疊从𠂔从普六十有六類凡此類諧聲而唐韵誤
在他部之字竝當改入唯與脂旨至質術柳微尾
未物迄月沒齊霽霽祭屑薛皆𠂔泰怪吏黠轄灰
𠂔隊廢曷末部可以互收

辰晨振畛禪駟姻親薪薪臣人仁信申神陳賓濱頻
蘋鄰鄰麟填塵巾困廬貧民泯緡瘠身已上三十字真韵

詢洵純錚惇焞鶉潏淪輪春均鈞已上十四字諄韵臻蓁臻

榛莘詵

已上六字臻韵先證惟若先庚蕭遇等部收字偏傍

雖多近合而其切音實與古殊故仍注經文以明正
讀但與從異韵移改之字稍別詳略後放此小弁相
彼投兔尚或先之行有死人尚或堅行莖敦弓既堅
瑾之○从先之字聲當以誅為正堅四銀既鈞舍矢
既均序賓以賢○案堅从取取即古文賢賢北山大
今十七真有磳字賢字乃賢聲正讀也賢夫不均
我從事獨賢行千定之方中靈雨既零命彼信人星
葦見堅字下言風駕說于桑田匪直也人秉心
塞淵駭化三千甫田俾彼甫田歲取十千我季鴈鳩
取其陳食我農人自古有年○古讀若親季正是
國人胡不萬年東山有敦瓜苦烝在栗薪自我不見
于今三年無羊衆維魚矣實維豐年旆維旗矣室家
漆漆信南山界我尸賓壽考萬年甫田見千字下江
漢告于文人錫山土田于周受命自召祖命虎拜稽
首天子萬年臣工迄用康田定之方中見千字下叔
年命我衆人○古讀若紉田于田叔于田巷無居人
齊甫田無田甫田與無思遠人隔協甫田見千字下
白華泥池北流浸彼稻田嘯歌傷懷念彼碩人松高
王命召伯徹申伯土田王命傅御遷其私人江漢見
年字下瞻印人有土田與人有人隔協○唐韵正

曰天田二字見於經者必與人爲韵顏師古注急就
章云古者田陳聲相近鄭氏箋詩東山常棣云古者
聲寘填塵同陸德明云依字皆是田音故陳公子完
奔齊以田爲氏而說文云田陳也詩信彼南山維禹
甸之韓詩作敝周禮爾雅注引詩應棘縣鼓今文乃
作田字又稍人注曰四丘爲甸讀與維禹敝之敝
同史記天官封禪書鎮星皆作填星而高帝紀鎮國
家撫百姓之類亦竝作填周禮典瑞王執鎮圭小行
人作瑱其它淵燕仲氏任只其心塞淵終溫且惠
可以類推矣淵淑慎其身定之方中見千字下早麓
鸞飛戾天魚躍于淵豈弟君子遐不作人○从開之字聲當以嫻爲正
○古讀若顛東方未明倒之顛之自公令顛采荅采
真下同顛之車鄰有車鄰鄰有馬白顛顛荅采荅
首陽之巖人之天借老胡然而天只不諒人只君子
爲言苟亦無信天借老胡然而天也只不諒人只君子
協黍離悠悠蒼天此何人哉綢繆綢繆東薪三星在
天黃鳥彼蒼者天職我良人節南山不弔昊天與秉
國之均隔協十月之交下民之孽匪降自天噂沓背
憎職競由人雨無正浩浩昊天與降喪饑饉隔協又

如何昊天辟言不信如彼行邁則靡所臻凡百君子

各敬爾身胡不相畏不畏于天小宛宛彼鳴鳩翰飛

戾天我心憂傷念昔先人何人斯不愧于人不畏于

天巷伯蒼天蒼天視彼驕人矜此勢人苑柳有鳥高

飛亦傳于天彼人之心于何其臻曷予靖之居以凶

矜文王文王在上於昭于天周雖舊邦其命維新又

宣昭義問有虞殷自天大明有命自天與纘女維莘

隔協棫機倬彼雲漢為章于天周王壽考遐不作人

旱麓見淵字下假樂宜民宜人受祿于天卷阿亦傳

于天謫謫王多吉人雲漢倬彼雲漢昭回于天王曰

於乎何辜今之人崧高崧高維嶽峻極于天維嶽降

神生甫及申瞻卬亂匪降自天生自婦人清廟對越

在天與無射於人斯首尾思文克配彼天立我烝

民雍燕及皇天與宣哲維人隔協○从天之字聲當

以吞口見何草不黃已聞云雲耘員焚漬君羣熏

為正口上十二字先韻

芬霧已上十二殷慤欣芹勤已上五昆門璚疊孫飧

存亨奔輝已上十恩韻痕旂唐韻謏入八微庭燎有輝君

字魂韻

何其夜鄉晨庭燎有輝君

字魂韻

何其夜鄉晨庭燎有輝君

字魂韻

何其夜鄉晨庭燎有輝君

字魂韻

何其夜鄉晨庭燎有輝君

字魂韻

何其夜鄉晨庭燎有輝君

子至止言觀其旂采菽鶩沸檻泉言采其芹君子來
朝言觀其旂泮水思樂泮水薄采其芹魯侯戾止言
觀其旂○案左傳童謠均服振振取玃之旂又與晨
辰責煇軍奔同用蓋此部陰陽相配則真可轉脂諄
臻可轉皆先可轉齊魂痕可轉灰文殷可轉微故从
斤之字或讀如芹或讀如頤唐韻燁字兩收於八微
二十三魂似也此字則殷韻遺之矣凡唐韻之誤有
二一者音訛一者音變音變又有二有誤以古通韻
為正韻若倩字命字是也有誤以古轉聲為正聲若
旂字隼字是也音訛乃若下川翻之屬尤誤之甚者
川已下二字唐韻誤入二仙雲漢旱既大甚滌滌山
川旱魃為虐如悵如焚闕宮錫之山川與周公之
孫隔協○从川之羽巷伯緝緝翻翻謀欲譖人桑柔
字聲當以紉為正羽四牡騤騤旗旐有翻亂生不夷
靡國不泯○从扁之鰕已上二字唐韻誤入二十八
字聲當以編為正鰕山敝筍敝筍在梁其魚魴鰕
齊子歸止其從如雲○从艱北門終宴且貧莫知我
果之字聲當以羈為正艱艱何人斯彼何人斯其
心孔艱胡逝我梁不入我門鳧鷖旨酒欣欣燔炙芬
芬公尸燕飲無有後艱○古讀若根案書奏庶艱食

馬融本唐韻誤入十六蒸苑柳見天字下何草不
 作根食矜黃何草不立何人不矜哀我征夫獨為匪
 民桑柔不殄心憂倉兄填兮倬彼昊天命唐韻誤入
 寧不我矜○古讀若粗擾棘矜之矜命四十三映
 蟻螭乃如之人也懷昏姻也大無信也不知命也揚
 之水我聞有命不敢以告人采菽樂只君子天子命
 之樂只君子福祿申之(大明)佑右命爾與纘女維莘
 隔協假樂佑右命之自天申之(卷阿)維君子命媚于
 庶人(韓奕)王親命之與維禹甸之隔協(江漢)見年字
 下(維天之命)維天之命與文王之德之純首尾韻○
 已上經凡九見竝入真韻關雎正義謂詩句六字者
 昔者先王受命有如召公之臣之類也今本無者字
 及之臣二字若依彼疏則命與臣為韻又得一證矣
 至周頌我祖維求定時周之命易象傳晉如摧如獨
 行正也裕无咎未受命也大招曼澤怡面血氣盛只
 永宐厥身係壽命只即召南寔命不同似亦可與上
 文星征句中隔協然在
 古止為通韻非其正讀

兼入脂韻一字

底

無將大車無將大車祇自塵
 兮無思百憂祇自底兮○案

此字从氏廣韵以為𦵏之重文與白華𦵏从氏音
巨支反者不同開成石經誤同書之宋儒遂有妄
意是𦵏字避唐太宗諱而改从氏者不思釋文出
於石經之前卽作𦵏字音丁禮反陸德明乃貞觀
間人何至不知諱改之由而譌民爲氏乎且字書
初無𦵏字若謂卽多我觀瘡之瘡則唐人避諱止
當作瘡必無特去日而與疾相混之理也今考張
平子賦思百憂以自疹正用此經蓋脂爲眞之陰
聲故从𠂔之字可變而从氏廣韵十六軫有𦵏字
訓告也類篇以爲卽曲禮軫于鬼神之軫或引作
軫亦作𦵏若然𦵏可以通軫讀之忍反則𦵏亦可
以通疹讀之鄰反又何疑焉王氏尚書後案曰
般庚爾謂朕曷震動萬民以遷蔡邕石經謂作惠
震作𦵏震與振同而𦵏與振又每通用皋陶謨曰
嚴𦵏敬六德無逸治民𦵏懼史記皆作振禮內則
𦵏見孺子鄭注𦵏或作振案此條卽脂眞互轉之
事而可爲𦵏字
讀疹作證者也

兼入齊韵一字

西

小明我征徂西與明明上天
隔協○案說文解字曰西鳥

在巢上象形日在西方而鳥棲故因以為東西之
 西或从木妻若然棲西實本一字則亦本一音蟻
 蟻首章起句以蟻協東次章起句以蟻協西此古
 人用韻之巧而法也但齊為先之陰聲故西亦可
 轉讀如先枚乘七發西施作先施漢相和曲左手
 特彊彈兩丸出入鳥東西惜我一丸即發中鳥身
 太元經日動而東天動而西天日錯行陰陽更巡
 西都賦帶以洪河涇渭之川眾流之隈汧涌其西
 古音川巡正同郊祀歌象載瑜篇亦以西
 與員文同用惟雜入泉字是後世聲誤

忍盡閔引隕已上五狃準典維清維清輯熙文王之
 日腴與殄古今字之異故儀禮注云腴古文皆作
 殄是也据此則从典之字讀當與殄同 銑韻 臺

混韻

震燼瑱饒瑾見既醉已順稗句田字注電之交
 與令字通協案太平御覽引說文曰電陰陽激燿也
 从雨申聲今本無聲字蓋徐鉉等不達古音而妄刪

已上二問訓愜已上三遯恩盼唐韵誤入三十一
字霰韵問字問韵遯恩盼唐韵誤入三十一
美目盼兮○古讀若唐韵誤入十二齊召曼胡不
坐此章與徑韵通協音自替職兄斯引○古讀未詳
離騷長太息以掩涕兮哀民生之多艱余雖
好脩姱以鞿羈兮謇朝諝而夕替韵與詩合

陽聲丁辰類終

詩聲類卷之三

陽聲三

唐韵平聲十陽十一唐十二庚上聲三十六養三
十七蕩三十八梗去聲四十一漾四十二宕四十
三映古音合爲一部其偏傍見詩者有从易从羊
从亡从長从畺从昌从方从章从商从香从量从
襄从相从𠂔从𠂔从向从尙从上从倉从王从𡈼
从央从桑从爽从网从𠂔从𠂔从光从黃从元从
庚从京从羹从明从彭从亨从兵从兄从行从𠂔
从慶从丙从永从競四十有四類凡此類諧聲而

唐韵誤在他部之字竝當改入唯與魚語御鐸模
姥暮陌昔部可以互收

陽揚楊錫場腸湯傷羊洋痒翔祥詳羌姜亡忘芒良
梁梁涼糧香鄉商方防魴房章璋昌彊疆長張根襄
穰穰相箱霜牀牆斯將漿鏘常裳嘗贍瑒鶻王筐狂

央已上六十唐塘康堂鏜稂狼倉蒼岡剛綱桑喪荒

光洸黃簧皇煌遑雱傍頽杭牂臧藏囊已上三

唐庚七月春日載陽有鳴倉庚大東曉彼牽牛不以

韵庚服箱東有啓明西有長庚○古讀若元案陸法

言等定韵次庚於唐耕之間本當合唐不當合耕趙

凡夫云庚阮盲橫彭撐烹兄行等字竝以今吳下方

音爲正是也唐人官韵誤注與耕清同用若鍾不下

就江而上就冬皆不下就灰而上就佳宵不下就肴

而上就蕭覃不上就侵而下就談竝同此誤方其始
合必猶有病其雜者習之數百年遂以爲當然今人
則唯元魂痕雖同用猶不同讀俗書遷流如蟬如
未有底止恐異日併此亦將泯其蹤跡矣如蟬如
沸如羹小大近喪人尚乎由行闕官秋而載嘗夏而
福衛白牡駢剛犧尊將將毛魚載羹籩豆大房萬舞
洋洋孝孫有慶○古讀若不羹之羹左傳正義曰古
者羹臠之字音亦爲郎故魯頌閟宮楚詞招魂及史
游急就章羹與房漿櫟爲韻但竊載馳防彼阿邱言
近世以來獨以此地音爲郎耳竊采其意女子善懷
亦各有行許人尤之衆釋且狂○古明矣朝既昌矣
讀若芒說文字作齒从艸明省聲○古明矣朝既昌矣
匪東方則明月出之先東方未明東方未明顛倒衣
裳黃鳥黃鳥黃鳥無集于桑無豕我梁此邦之人不
可與明言旋言歸復我諸兄大東見庚字下楚茨或
剝或亨或肆或將祝祭于祊祀事孔明先祖是皇神
係是饗孝孫有慶信南山是烝是享苾苾芬芬祀事
孔明甫田以我齊明與我犧羊以社以方我田既臧
農夫之慶大明肆伐大商會朝清明既醉既醉以酒
爾穀既將君子萬年介爾昭明民勞無縱詭隨以謹

無良式遏寇虐慘不畏明板吳天曰明及爾出王
 民肅肅王命仲山甫將之邦國若否仲山甫明之就
 競奄有四方斤斤其明敬之日就月將學有緝熙于
 光明佛時仔肩示我顯德行有駸有駸有駸有駸
 黃夙夜在公在公明明盟巧言君子履斯
 从明之字聲當以明為正盟巧言君子履斯
 載弄之璋其泣嗶嗶執競鐘鼓
 嗶嗶磬管將將嗶嗶執競鐘鼓
 弊獻禽以祀嗶嗶執競鐘鼓
 訪當為方聲之誤也航永傷七月
 航萬壽無疆航永傷七月
 古讀若光彭航永傷七月
 彭出車山車彭航永傷七月
 傷大明牧野洋航永傷七月
 彭八鸞鏘鏘航永傷七月
 有驪有黃以車航永傷七月
 作飭音亨航永傷七月
 相近也亨航永傷七月
 人所別古人皆祇作亨字而隨義用之其讀似亦祇
 有亨音蓋割亨之亨元亨之亨均之平聲則同紐異

紐今無可考若其用爲享義者雅有是用孝享禴祠
烝嘗頌有以假以享我受命溥將莫敢不來享其敢
不來王固與易之坤厚載物德合无疆英清人見彭
含宏光大品物咸亨同當爲許岡切耳英字下有女
同車有女同行顏如舜英將翔將佩玉將將蒼充
耳以黃乎而尚之以瓊英乎而汾沮洳彼汾一方言
采其桑彼其之子美如英美如京定之方中望楚與
英殊異乎公行○古讀若央京堂景山與京降觀
于桑下泉洌彼下泉浸彼苞稂愾我寤歎念彼周京
正月念我獨兮憂心京京哀我小心瘼憂以痒甫田
曾孫之稼如茨如梁曾孫之庾如坻如京文王侯服
于周天命靡常殷士膚敏裸將于京大明擊仲氏任
自彼殷商來嫁于周曰嬪于京又命此文王于周于
京皇矣依其在京侵自阮疆下武維周世有哲
王三后在天王配于京文王有聲考卜維王宅是
鎬京篤公劉迺陟南岡迺觀于京○古讀若曷兵
擊鼓擊鼓其鏜鏜躍用兵土國城漕我獨南行無衣
豈曰無衣與子同裳王于典師脩我甲兵與子偕行
抑脩爾車馬弓矢戎兵用戒兄鸛之奔奔人之無良
戎作用過蠻方○古讀若方兄我以爲兄將仲子無

折我樹桑豈敢愛之畏我諸兄陟岵陟彼岡兮瞻望
兄兮黃鳥見明字下皇矣因心則友則友其兄則篤
其慶載錫之光○唐韻正曰皇矣七章帝謂文王詢
爾仇方同爾兄弟後漢書伏湛傳引作同爾弟兄案
从兄之字聲當以況爲正詩倉兄職兄竝通爲況白
虎通義曰兄者況也況父法也釋名曰兄荒也荒大
也故青徐人行擊鼓見兵字下雄雉百爾君子不知
謂兄爲荒也行德而不攸不求何用不臧北風北風
其涼雨雪其雩惠而好我攜手同行載馳見英字下
張女也不爽士貳其行有女同車見英字下手衣錦
裴衣裳錦裴裳叔兮伯兮駕予與行汾沮洳見英字
下黃鳥誰從穆公子車仲行維此仲行百夫之防無
衣見兵字下七月女執懿筐遵彼微行爰求柔桑東
山町疇鹿場熠燿宵行鹿鳴吹笙鼓簧承筐是將人
之好我示我周行六月織文鳥章白旆央央元戎十
乘以先啓行河水念彼不蹟載起載行心之憂矣不
可弭忘十月之交日月告凶不用其行四國無政不
用其良何人斯二人從行與胡逝我梁隔協大東糾
糾葛屨可以履霜僂僂公子行彼周行北山或息偃
在牀或不巳于行車羣高山仰止景行行止何草不

黃何草不黃何日不行大明乃及王季維德之行太
任有身生此文王又長子維行篤生武王歸廼立應
門應門將將廼立豕土戎醜攸行篤公劉弓矢斯張
干戈戚揚爰方啓行蕩見奠字下崧高以峙其根式
遘其行天作彼作矣文王康之彼岵矣岐有夷之行
敬之見明字下○其訓行列者今本音戶耶切故不
引据上下文所引凡从行珎皇有珎瑟珎衡采芭
之字古竝讀若行列之行珎皇有珎瑟珎衡約軾
錯衡八鸞珎珎珎珎珎珎珎珎珎珎珎珎珎珎珎珎珎
字下烈祖約軾錯衡八鸞珎珎珎珎珎珎珎珎珎珎珎
右商卿蕩爾德不明以無陪無卿○古慶唐詩誤入
王楚茨見明字下又爾發既將莫怨具慶甫田見明字
下又黍稷梁農夫之慶裳裳者華維其有章矣是
以有慶矣皇矣見兄字下閟宮見奠字下○案古詩
三聲通協未可逐字而捐其有一定平仄然此字七
見於詩與夫儀禮冠辭黃耆無疆受天之慶易傳積
善之家必有余慶積不善之家必有余殃等文無不
讀平聲者古書慶雲字或作卿雲卿士字或作慶士
又楚詞以羌爲發聲至班揚之賦乃改用慶字是知

羌卿慶三字同音故特從去聲移列於此又案喜
起之歌繼以熙哉三聲通協由來尚已在此三百篇最
切著者漢廣之後四句廣上也咏去也方平也永字
今韻上聲說文引詩作業則去聲野有蔓草之首章
溥平也婉上也願去也正如後世詞曲之法取其依
聲成調而不拘拘於平仄者也然唯陽聲諸部盡然
至於陰聲諸部亦頗有界限汝墳一篇同一脂微類
也而首章枚飢爲平次章肄棄爲去末章尾燬通爲
上是則古人析音之精不待顯約始發其蘊矣當推
校陰聲九類之字如狩字三見於叔于田駟職車攻
而皆上聲則今在四十九宥者誤也借字四見於陟
岵杜魚麗賓筵而皆上聲則今在十四皆者誤也
顧字七見於日月葛藟碩鼠墓門伐木小明雲漢而
亦皆上聲書我不顧行遞徐仙民音鼓今十寃韻乃
未之收又如事字用上聲者采芣北山靜抑露四見
今韻則止去聲時字用上聲者采芣北山靜抑露四見
蕩嘗五見今韻則止平聲皆爲未備又如居字二雅
本用平聲獨唐風則職思其居歸于其居自我人
居三用皆去聲於此又可考見方音之不同今於左
方未能一一究正將以待後之好學深思者又案

六經相承以屈信之信音伸勞來之來音徠考詩往來之來亦多用去聲信字則無弗平聲者初不關其訓伸與否也至廣韻十七真有神無信十九代有徠無來古今字異耳故今直列信字于真部列來字于代部與此慶字聲誤而移改者小別

養兩仰掌罔爽饗享

說見平聲字注

往

已上九字養韻

蕩廣朗

已上

三字梗

桑柔靡所止疑云徂何往君子實維秉心無

蕩韻說誰生厲階至今為梗○周禮招梗注云鄭

大夫讀

柄

類弁

○

古讀若

仿

陳

季

立

曰

方

丙

古通音

梗

為亢

柄

○

古讀若

說文仿籀文作

柄

○

古讀若

仿

陳

季

立

曰

方

丙

古通音

梗

為亢

柄

○

古讀若

仿

音柄春秋歸祊公羊穀梁作

祊

○

古讀若

仿

陳

季

立

曰

方

丙

古通音

梗

為亢

柄

○

古讀若

仿

四字梗韻

讓向尚上望

已上六字漾韻

抗伉

已上二字宕韻

競

桑柔見梗字

下長發不競

不綖不剛不柔句中
隔韵○古讀若涼
咏之咏之游之句中
讀若蒙已
上二字映韵

案陽唐爲魚模之陽聲二韵多互相轉如亡可

通爲無荒可通爲幬爾雅注引詩放可通爲甫

考工記陶旄先鄭讀爲甫始之
甫後鄭讀爲放於此乎之放
莽有姥音廣有

鼓音樂記進旅退旅和正以廣是也說文弓部

鼓此與掠字从京而讀略者同理二字皆當在
十九鐸今掠字入十八藥則誤也顧氏必謂掠

止當有亮音
亦未盡其蘊迎有還音離騷百神翳其備降兮

其揚靈兮告予以吉故迎訓還音就如還推舉
此則叩之訓吾陽之訓予或亦皆可轉讀與舉

其一隅餘不勝悉也故陽之與東若魚之與侯

自漢魏之閒魚侯混合爲一東陽遂亦混合爲一似吳越春秋龜筮傳往往有之浸假而四江全韵且淪於陽唐矣若離騷余獨好脩以爲常豈余心之可懲則本恆字漢人避諱改爲常耳慎勿又據以爲陽可通蒸也

陽聲陽類終

詩聲類卷之四

陽聲四

唐韵平聲一東三鍾四江上聲一董二腫三講去
聲一送三用四^絳古音合爲一部其偏傍見詩者
有从東从同从丰从充从公从工从豕从囟从从
从龍从容从用从封从凶从邕从共从送从雙从
龙十有九類凡此類諧聲而唐韵誤在他部之字
立當改入唯與侯厚候屋^慶^慶遇燭部可以互收
東鍾韵雖悉如本讀猶具臚經證者以東冬之分
爲二蒸侵之通爲一皆廣森自率臆見前無所因
故自此迄陽聲談類說之特詳其它十三
篇述也是五篇者蓋負不知而作之罪云

東小星命不同施上狐裘蒙戎匪車不東叔兮伯兮靡所
與同桑中爰采葑矣沫之東矣云誰之思美孟庸矣
伯兮自伯之東首如飛蓬豈無膏沐誰適為容采芣
采葑采葑首陽之東人之為言苟亦無從東山我來
自東零雨其濛軍攻我車既攻我馬既同四牡麗麗
駕言徂東大東小東大東杼軸其空文王有聲錫京
辟靡自西自東闕宮乃命魯公俾侯于東錫之山川
土田附庸又奄有龜蒙遂荒大東至于蜎蜎蜎蜎
海邦淮夷來同莫不率從魯侯之功蜎蜎蜎蜎
韻童山有扶蘇山有喬松隰有偃偃采繁被之僮同小
施上見東字下七月二之日其同載績武功言私其
縱獻于公又我稼既同上入執宮功蓼蕭和鸞離
離萬福攸同車攻見東字下吉日獸之所同與漆沮
之從隔協瞻彼洛矣福祿既同君子萬年係其家邦
賓之初筵射夫既同獻爾發功采芣維柞之枝其葉
蓬蓬樂只君子殿天子之邦樂只君子萬福攸同平
平左右亦是率從常武徐方既恂思齊惠于宗公神
同天子之功闕宮見東字下恂周時怨神罔是恂

刑于寡妻至于兄豐 文王有聲文王受命有此武功
弟以御于家邦豐 既伐于崇作邑于豐○案大射
儀注云豐从豆幽聲說文無充山有扶蘇○采繁見
曲字蓋以从兩丰而得聲與充見童字下公 采繁見
羔羊羔羊之縫素絲五總委蛇委蛇退食自公小星
見東字下七月見同字下六月四牡脩廣其大有顯
薄伐玁狁以奏膚公思齊見惇字下靈臺於論鼓鐘
於樂辟靡豐鼓逢逢矇瞍奏公臣工嗟嗟臣工敬爾
在公離相維辟公與有來工臣工見功七月賓之初
離離隔協闕宮見東字下工 臣工見功 七月賓之初
文王有聲見豐字下崧高登是南邦世執其功常武
見同字下烈文無封靡于爾邦念茲戎功二句與
上烈文辟公隔協泮水不告于攻車攻見空 大東見
訓在泮獻功闕宮見東字下 攻 車攻見空 大東見
江召見天降罪罟蟲賊內訌昏極 鴻 九戩鴻飛公歸
靡共潰潰回適實靖夷我邦 鴻 句中雙聲韻
蒙闕宮見 東字下 濛 東字下 聽 免爰有免爰雉離于罍我
此百凶尚寐無聰祈父祈父亶 蓬 騶虞彼茁者蓬壹
不聰胡轉于恤有母之尸喪蓬 發五縱伯兮見東

字下采菽從騶虞見蓬字下七月見同重無將大車

維塵離兮無思鐘靈臺虞業維樅賁鼓維鏞於論置

百憂祇自重兮鐘鼓鐘於樂辟廱又見公字下

免爰見衡皇矣以爾鉤援與龍山有扶蘇見童字下

聽字下爾臨衡以伐崇墉龍長發受小共大共為

下國駿厖松山有扶蘇公行露誰謂鼠無牙何以穿

何天之龍松見童字下訟我墉誰謂女無家何以速

我訟雖速我容伯兮見東字下振鷺振鷺于飛于彼

訟亦不女從容西離我客戾止亦有斯容○案古文

以頌為容亦諧公聲而今文从谷則與庸桑中見東

裕諧聲同類又可以明東侯相配之理庸字下免爰

見聰字下南山葛履五兩冠綏雙止魯道有蕩齊子

庸止既曰庸止曷又從止崧高王命申伯式是南邦

因是謝人以作爾墉行露見訟字下鏞靈臺見備節

庸闕宮見東字下墉皇矣見衡字下鏞鐘字下備節

山吳天不備凶聰字下訥作訥以究王訥式訥爾心

降此鞠訥凶聰字下訥作訥以究王訥式訥爾心

以畜萬邦泮公字下離見重字下卷阿葦葦萋萋

水見功字下昭公字下離見重字下卷阿葦葦萋萋

離離喈喈句中隔韻振驚

見容字下離見公字下

祈父見從行露見訟字下南山見庸字下采芴見東

聰字下從字下吉日見同字下小旻謀臧不從不臧

覆用我視謀猶亦孔之邛采從靈臺見邛小旻見從

菽見同字下闕宮見東字下木從靈臺見邛小旻見從

匪其止其共巧言見邛字下皇矣密人不恭敢距大

維王之邛其邦侵阮徂共召旻見訏字下長發見龍

字恭皇矣見其字下○案本韻注恭九容切陸以恭

下恭崧縱等入冬韻非也此似陳司法所更正亦可

見冬鍾之葑桑中采芴丰丰子之丰兮俟我乎逢靈

必有判矣葑見東字下丰巷兮悔予不送兮逢靈

見公縫羔羊見公字下邦節南山見訏字下瞻彼

字下縫已上二十七字鍾韻邦洛矣采菽見同字下思

齊見惇字下皇矣見其字下崧高見功字庸字下召

旻見訏字下烈文見功字下闕宮見東字下○惠定

字論語古義曰且在邦域之中矣漢書王莽傳云封

域之中古字邦封同尚書序邦諸侯邦康叔義皆作

封下文邦內鄭本作封內廣森案說文解字邦从邑

丰聲釋名曰邦封也封有功于是也邦音同封明矣

老子修之于國其德乃豐韓非解老篇引作脩之邦

故與豐合韵今本承漢避高帝諱而改耳毛氏古今

通韵乃謂國有工音疎謬至此長發見龍字下

則其他支離之說亦何足置辨厖古讀若蒙詩本音

曰荀子引此作駿蒙車攻見東字下○案釋南

大戴禮引此作恂蒙麗文麗鹿同反徐扶公反雙山

見庸字下○唐韵正曰雙古音所工反後漢書丁鴻

傳殿中無雙丁孝公荀爽傳荀氏入龍慈明無雙儒

林傳五經無雙許叔重文苑傳天下無雙江夏

黃童方術傳任文公智無雙已上四字江韵

總羔羊見公字下長發敷奏其勇羣卷阿見生民

○案釋文

幪莫孔切

送天叔于田抑磬控忌抑

送大叔于田見送字下

縱送忌

見丰字下

控

已上二字送韵

用

小見見誦節南山見誦字下若丰見丰字下○古讀
從字下誦已上二字用韻若唐韻正曰今京
師人謂巷為衛衛乃
二合之音絳韻

附調車攻弓矢既調射夫既同○詩本音曰宋吳
為一韻廣森案調字古多與同為韻韓非子云形
名參同上下和調離騷云勉陞降以上下兮求矩
矱之所同湯禹儼而求合兮擊咎繇而能調七諫
云不量鑿而正柄兮恐矩矱之不同不論世而高
舉兮恐操行之不調蓋周字从用不論世而高
周而返从用聲又諧聲之變法江慎傍古韻標準
謂此詩同調非韻靈均方朔為相效之誤段氏辨
其說似是而非且引衛青傳大當戶銅離一作稱
離以為證是則周傍而
通同者非獨一調字矣

右所列偏傍為一部獨用凡从冬中農弓宮蟲宗
眾戎夢牟等聲者不得闌入其見於六經諸子之

文曲禮曰正爾容聽必恭毋勦說毋雷同孔子閒
居曰無聲之樂氣志旣從無體之禮上下和同無
服之喪以畜萬邦武王帶銘曰火滅脩容慎戒必
恭老子曰反者道之動弱者道之用晏子曰人君
無禮無以臨其邦大夫無禮官吏不恭父子無禮
其家必凶兄弟無禮不能久同荀子佹詩曰以盲
爲明以聾爲聰此二句亦
句中各韻以危爲安以吉爲凶鳴
呼上天曷維其同成相篇曰禹有功抑下鴻辟除
民害逐共工北決九河通十二渚疏三江又曰欲
衷對言不從恐爲子胥身離凶進諫不聽到而獨

鹿棄之江越語曰聖人之功時爲之庸說苑曰兩
高不可重兩大不可容兩勢不可同兩貴不可雙
夫重容同雙必爭其功下逮急就章妻婦娉嫁齋
媵僮奴婢私隸枕牀杠蒲翦蘭席帳帷幃承塵戶
幰條續總一作鏡簌疏比各異工芬薰脂粉膏澤
簞沐浴擗摵寡合同襍飾刻畫無等雙係臂琅玕
虎魄龍璧碧珠璣玫瑰舊玉玦環珮靡從容射魑
辟邪除羣凶韵語之長如此而實無一字舛異可
信愚所分析不爲強謬矣

三百篇而外唯易經多有韵後此則屈平宋玉稱

詞章之宗揚子雲能識古文小學其所用韵皆較
為精密故特備徵之於左

凡易用東鍾江屬者十七事

乾初九潛龍勿用 同人九四乘其墉弗克攻
象傳蒙再三瀆瀆則不告瀆蒙也蒙以養正聖功
也 泰天地交而萬物通也上下交而其志同也
否天地不交而萬物不通也上下不交而天下
无邦也 睽天地睽而其事同也男女睽而其志
通也 蹇利見大人往有功也當位貞吉以正邦
也 井汔至亦未繙井未有功也羸其瓶是以凶
也 漸進得位往有功也進以正可以正邦也
象傳師師出以律失律凶也在師中吉承天寵也
王三錫命懷萬邦也師或與尸大无功也 大君
有命以正功也小人勿用必亂邦也 隨隨有獲
其義凶也有孚在道明功也 坎習坎入坎失道
凶也求小得未出中也來之坎坎終无功也○中
字不合韵說見後篇 離突如其來如无所容也

六五之吉離王公也王用出征以正邦也 恆夫
子制義從婦凶也振恆在上大无功也與三爻无
所容也隔協 繫辭上傳易則易知簡則易從易
知則有親易從則有功 下傳三多凶五多功

凡楚辭用東鍾江屬者十三事

離騷啓九辨與九歌兮夏康娛以自縱不顧難以
圖後兮五子用失乎家巷 天問纂就前緒遂成
考功何續初繼業而厥謀不同 四方之門其誰
從焉西北辟啓何氣通焉 有扈牧豎云何而逢
擊牀先出其命何從 哀郢將運舟而下浮兮上
洞庭而下江去終古之所居兮今道遙而來東
抽思何靈魂之信直兮人之心不與吾心同理弱
而媒不通兮尚不知余之從容 懷沙重仁襲義
兮謹厚以爲豐重華不可遷兮孰知余之從容
悲回風馮崑崙以瞰霧兮隱岐山以清江憚湧湍
之磻磻兮聽波聲之洶洶 招魂掌寢上帝其命
難從若必筮予之恐後之謝不能復用○案下文
巫陽焉乃下招曰當相連爲一句焉乃猶爾乃也
卜居此孰吉孰凶何去何從 九辨豈不鬱陶

而思君兮君之門以九重猛犬狺狺而迎吠兮關
梁閉而不通願自往而徑遊兮路壅絕而不通
欲循道而平驅兮又未知其所從然中路而迷惑
兮自厭按而學誦性愚陋以褊淺兮信未達乎從
容前軒輶之鏘鏘兮後輻乘之從從載雲旗之
委蛇兮扈屯騎之容容○此二韵又隔協上歷羣
靈之豐
豐句

凡太元經用東鍾江屬者二十五事

差首陽氣泰關于東帝由羣雍物差其容周大
七還于蒙不克從增次五澤庫其容衆潤攸同
侯次五大爵集于宮庸小人庫侯空從次三
人不攻之自率從之盛次三懷利滿甸不利子
公廓上九極廓于高庸三歲無童見次四鳥
託巢于蔽人寄命于公晦次三陰行陽從利作
不凶失次三卒而從而卑而疎而測篇升降
相關大貞乃通經則有南有北緯則有西有東巡
乘六甲與斗相逢歷以記歲而百穀時雍周測
信周其誠上通也豐淫見朋不能從也達測達

予中衢道四通也大達無吟不可偏從也從測
從目失腹欲不從也拂惡從淑救凶也從不淑禍
不可訟也從微微後得功也密測密于腥臊小
惡通也密密不辨茲天功也大惡之比匹異同也
密口小無賴君逢也竈測竈無薪有不用也鬲實
焚其心中無勇也法測造法不法不足用也幕法
之食時我奉也法測見鷹及獾深居迷凶也
以中衆之所共也迷測唐測奔鹿懷懿奚足功
多田不婁費力忘功也唐測奔鹿懷懿奚足功
也唐不獨足無私容也弋彼三飛適無所從也
衡篇交相從也陰不通也更育畏守不可攻也
易與天下同也勤苦而無功也養受羣餘君子養
吉小人養凶也操篇斷而決之者勇也兼制而
博用者公也能以偶物者通也文篇陽以戰乎
吉陰以戰乎凶風而識虎雲而知龍賢人作而萬
類同昆侖旁薄大容也神戰于元相攻也龍出
于中事從也庫虛之否不
公也日正于天光通也

陽聲東類終

詩聲類卷之五

陽聲五上

唐韻平聲二冬上聲二腫之半

舊以字少未立部而腫字下注云此

是冬字上聲則誤也愚謂宜取續情尤內納歸去

聲二宋古音合爲一部其偏傍見詩者有从冬从

眾从宗从中从蟲从戎从官从農从夆从宋十類

凡此類諧聲而唐韻誤在他部之字玆當改入唯

與幽黝幼尤有蕭篠嘯沃部可以互收

冬

谷風我有旨蓄亦以禦深見驚見驚在深公尸來

飲

降公尸燕宗見深字下篤公劉食之飲之君

飲

福祿來崇宗之宗之雲漢早既大甚藎隆蟲蟲不

殄祀自郊祖宮上下莫痊靡神不宗后稷不克中

已下十二字唐韻誤入一東采藥于以采藥于泥中

中于以用之公侯之宮式微微君之朝胡為乎泥中

桑中期我乎桑中要我乎上官定之方中定之方中

作于楚宮小戎騏驎是中騏驎是驂早麓瑟彼玉璫

黃流在中豈弟君子福祿攸降召旻泉之竭矣不云

自中溥斯害矣職兄斯弘不我躬○案廣韻一東

部自中至繫九十三字內除嵩崧崧四字餘悉誤

入似此一段本在二冬而為後人移置者今宗字幸

尙未誤乃王維詩瀟灑亦朝宗詞賦屬文宗則中草

皆押入東韻可知東冬之界唐人實始淆之矣中蟲

嚶嚶草蟲趨趨阜蟲未見君子憂心忡忡亦既見止

亦既觀止我心則降擊鼓從孫子仲平陳與宋不我

以歸憂心有忡出車嚶嚶草蟲趨趨阜蟲未見君子

憂心忡忡既見君子我心則降赫赫南仲薄伐西戎

冲七月二之日鑿冰冲冲三之日納于凌陰蓼草

出車見忡字下融既昭明有融高駟令終○案說

雲漢見宗字下融文从蟲省聲左傳大隧之中其樂

也融融張平子賦展洩洩以彤彤彤本丑終融字下

林反借為融字又以冬侵得相通故也終融字下

蕩天生烝民其命匪謚靡不有初鮮克有終○案冬

宗農本字皆在冬韵从其聲者乃開在東鍾从蟲聲

者則二冬有熾字熾字从宮聲者則二冬有蝻草蟲

鼓部磳鼃等字皆可据以徵其部分之錯云蝻出車

見忡崇鳥驚見深字下○案既伐戎常棣每有良朋

字下崇于崇乃第三句不入韵戎烝也無戎出車

見忡字下○案狐裘蒙戎首句不入韵左傳引之作

厲茸亦非韵茸字从耳古蓋音仍若仍孫之轉為耳

孫是也戎字集宮采藥桑中定之方中見躬式微見

韻亦兼入蒸韵宮中字下雲漢見宗字下躬中字下

雲漢見宗字下召旻見中宮省聲窮語天之歷數在爾躬允

字下○案說文从宮省聲窮語天之歷數在爾躬允

執其中四海困窮天祿永終老子道經多言數窮不

如守中德經大盈若冲其用不窮莊子吾已往來焉

而不知其所終彷徨乎馮閱大知入焉而不知其所

窮管子舉所美必觀其所終廢所惡必計其所窮大

氏所同用者不越乎中終躬三字可濃唐韵誤入三

以見冬韵之狹非可濫通東鍾者也濃鐘夢蕭見冲

字下。○案何彼禮矣。降唐詩誤入四江軍出車見
不可作隔韻讀之。降仲字下早麓見中字下鬼聲
見淩字下。○案二冬本韻有降字又隆以隆得聲今
隆字亦在冬韻禮記月令天氣上騰地氣下降天地
不通閉塞而成冬降與冬為韻宋玉風賦飄舉升降
乘凌高城入于深宮降與宮為韻淮南子雷聲雨降
並應無窮降與窮為韻蓋古讀如碯而近於宏故月
令以騰字同協而升降登降若以冬蒸通韻言之皆
雙聲語也

宋

擊鼓

見仲字

仲

唐韻誤入一送擊

鼓出車見仲字下

凡易用東鍾江之半入冬韻者二十三事

彖傳蒙蒙亨以亨行時中也匪我求童蒙童蒙求
我志應也初筮告以剛中也需剛健而不陷其
義不困窮矣需有孚光亨貞吉位乎天位以正中
也。比原筮元永貞无咎以剛中也。不寧方來上
下應也。後夫凶其道窮也。蹇利西南往得中也
不利西北其道窮也。解利西南往得衆也其來

復吉乃得中也 夫告自邑不利即戎所尚乃窮
也利有攸往剛長乃終也 困貞大人吉以剛中
也有言不信尚口乃窮也 井井養而不窮也改
邑不改井乃以剛中也 漸其位剛得中也止而
巽動不窮也 節剛柔分而剛得中苦節不可貞
其道窮也 既濟初吉柔得中也終止則亂其道
窮也 未濟未濟亨柔得中也小狐汔濟未出中
也濡其尾无攸利不續終也雖不當位剛柔應也
象傳坤黃裳元吉文在中也龍戰于野其道窮
也用六永貞以大終也 屯即鹿无虞以從禽也
君子舍之往吝窮也 需需于沙衍在中也雖小
有言以吉終也 比顯比之吉位正中也舍逆取
順失前禽也邑人不誠上使中也比之无首无所
終也 隨孚于嘉吉位正中也拘係之上窮也
恆浚恆之凶始求深也九二悔亡能久中也
非其位安得禽也婦人貞吉從一而終也大壯
壯于趾其孚窮也九二貞吉以中也 艮艮其限
危薰心也艮其身止諸躬也艮其輔以中正也教
民之吉以厚終也 案本義以正為義文 節甘
節之吉居位中也苦節貞凶其道窮也 雜卦傳

歸妹女之終也未濟男之窮也
案易韵亦有隔協之法不知者或嫌於兩部相錯
如渙彖王乃在中也與剛來而不窮爲一韵乘木
有功也與柔得位乎外而上同爲一韵巽象則兩
中窮各自相協而有功也正乎凶也二句隔協至
若需坎解卦中功用直當謂之非韵蓋易異於
歌謠原不必句句有韵似訟卦剛來而得中也睽
卦其事類也中孚乃應乎天也剝豐兩卦終不可
用也皆忽然雜出無韵之句据
彼不疑以決所疑斯可無疑矣

凡楚辭用東鍾江之半入冬韵者八事

離騷帝高陽之苗裔兮朕皇考曰伯庸攝提貞于
孟陬兮維庚寅吾以降○維此條庸字與詩未合
雲中君靈皇皇兮既降焱遠舉兮雲中覽冀州
兮有餘橫四海兮焉窮思夫君兮太息極勞心兮
憊憊河伯紫貝闕兮珠宮靈何爲兮水中天
問皆歸射籍而無害厥躬何后益作革而禹播降
涉江哀吾生之無樂兮幽獨處乎山中吾不能
變心而從俗兮固將愁苦而終窮卜居吾寧惻

惘款款朴以忠乎將送往勞來斯無窮乎招魂
九侯淑女多迅衆些盛鬻不同制實滿宮些
辨願賜不肖之軀而別離兮放游志乎雲中乘精
氣之搏搏兮驚諸神之湛湛○此條冬侵通韵
凡太元經用東鍾江之半入冬韵者二十四事

中首陽氣潛萌于黃宮信無不在其中沈首陰
懷于陽陽懷于陰志在元宮進次四日飛縣陰
萬物融融釋次三風動雷興從其高崇彊次
三柱不中梁不隆廓次六維豐維崇百辟馮馮
伊德攸興晦次五日正中月正隆君子自晦不
入窮窮初一窮其窮而民好中次二窮不窮
而民不中堅次三堅不殘或泄其中測篇陽
推五福以類升陰幽六極以類降周測還遇躬
外禍不中也還于喪其道窮也上測卽上不貞
妄升也鳴鶴不恁有諸中也升堂顛倒失大衆也
進測狂章章進不中也日飛縣陰君道隆也
爭測爭于遠爭處中也臂脛如股臣大隆也干矛
之爭衛君躬也減測善減不減常自冲也心減
形身困諸中也減其儀欲自禁也減于父無以莅

衆也 窮思達師在心也 窮測窮其窮情在中也 窮不窮詐可隆也
及蓋穀貴中也 成測成闕之補固難承也 時成
不成獨失中也 成窮以毀君子以終也 瑩篇夫
一 一 所以摹始而測深也 三 三 所以盡終而極崇
也 二 二 所以參事而要中也 數篇觀始中決從
終 圖篇三也者思之崇者也 六也者福之隆者
也 九也者禍之窮者也 二五八三者之中也 禍則
往而禍則承也 九虛設陽君子小人所爲官也
一與六共宗 二與七共朋 告篇神遊乎六宗魂
魂萬物動而常沖

右類字古音與東鍾大殊而與侵聲最近與蒸
聲稍遠故在詩易則侵韵陰臨謹心深禽覃韵
驂字寢韵飲字蒸韵朋應等字皆通協在揚氏
擬經則蒸韵升興馮凌朋承侵韵陰心深禁皆

通協略舉秦漢人文其冬蒸同用者有若勸學

騰蛇無足而騰鼯鼠五技而窮漢書敘傳元之

二王孫後大宗昭而不穆大命更登之類冬侵

同用者長門賦尤多而亦無出中宮崇竊之吟

域蓋東爲侯之陽聲

說見侯類

冬爲幽之陽聲

本韻情字

與十八九重見獵字與六豪重見案淮南子宗
布通作曹布漢地理志引齊風猗作囂潘岳藉
田賦思樂何纖薄采其茅大君莅止言藉其農
束哲勸農賦惟百里之置吏各區別而異曹考
治民之賤職美莫當乎勸農似此皆冬與幽蕭
互轉之跡若一東擊罟等字亦當改入二冬一
送贈字當改入二宋今人之混冬於東猶其併侯於幽也

蒸侵又之宵之陽聲故幽宵之三部同條冬侵

蒸三音共貫也宋儒以來未睹斯奧惜哉

陽聲五中

唐韵平聲二十一侵二十二覃二十九凡上聲四十七寢四十八感五十五范去聲五十二沁五十三勘六十梵古音合爲一部其偏傍見詩者有从夔从先从林从品从突从甚从王从心从今从音从彡从三从南从男从宀从弓从龜从凡从目从占从覃从乏廿有三類凡此類諧聲而唐韵誤在他部之字竝當改入唯與宵小笑肴巧效豪皓号藥覺部可以互收

綬駸驚林臨琛深湛謚堪壬心今衿苓琴衾陰金欽

音歌參

已上二十

古讀若參詩唯小戎

南

燕燕飛

下上其音之子于歸遠送于南凱風凱風自南吹彼

棘心

株林胡為乎株林從夏南匪適株林從夏南何

人斯彼何人斯其為飄風胡不自北胡不自南胡逝

我梁祇攬我心鼓鐘笙磬同音以雅以南以籥不僭

卷阿有卷者阿飄風自南豈弟君子來游來歌以矢

其音泮水濟濟多士克廣德心桓桓于征狄彼東南

○从南之字聲當以補為正漢律歷志男思齊太姒

曰太陽者南方南任也陽氣任養物男嗣徽音則

百斯男○古讀若任禹貢男邦史耽張于嗟鳩兮無

記作任國禮本命記曰男者任也耽食桑甚于嗟女

兮無與士耽○从尤之字聲當以沈為正案古音蒸

侵相近故禮運澄酒在下鄭君以為即周官沈齊也

涵巧言亂之初生僭始既涵亂之又生君子信讒○

案涵从畠畠从弓說文解字云弓讀若舍据舍以

今得聲知畠古音亦在侵類韓詩涵作減从讒唐韻

咸之字亦當以箴聲為正已上五字覃韻諛誤入

二十六咸巧言見涵三唐韻誤入二十三談標有梅

迨其今兮古讀若岑風唐韻誤入一東綵衣稀兮裕兮淒

讀若參伐之參其以風我思古人實獲我心谷風

習習谷風與颺勉同心隔晨風彼晨風鬱彼北

林何人斯見南字下桑柔如彼遼風與民有肅心隔

協烝民吉甫作誦穆如清風仲山甫永懷以慰其心

○案此茲與心林等字同用凱風自南風自南亦

半句有韻與南相協今从風之字唯嵐尚在覃部

不誤說文解字曰風从虫凡聲古音凡蓋符林切又

鳳亦諧凡聲而朋即古文鳳字故揚子雲甘泉賦敦

萬騎于中營兮方玉車之千乘聲駢隱以陸離兮輕

先疾雷而馭遺風馮衍顯志賦擗道德之光耀兮匡

衰世之渺風褒宋襄于泓谷兮表季札于延陵皆讀

風如朋班固東都賦揚緝熙宜皇風登靈臺考休徵

俯仰乎乾坤參象乎聖躬目中夏而布德瞰四裔而

抗棧則亦讀如朋而又與躬字同用然實

古韻正通未可嘗為誤入東部之權輿也

寢諗飲錦甚甚一作枕已上七髮彼兩鬢句首隔韻

○古讀 舊澤彼澤之陂有蒲菡萏有美一人碩大

若枕 坎險且枕入于嬌 說文此字下引詩曰碩大

來之坎 坎險且枕入于嬌 說文此字下引詩曰碩大

坎窞窞字亦與枕為韻 嬌說文此字下引詩曰碩大

稱毛氏古文則今本作儼者轉寫字異非毛氏之舊

也韓詩亦作嬌薛君章句曰嬌重頤也古讀若飲

已上三占 唐韻誤入二十四鹽 斯于乃寢乃典乃占

字感韻 占我夢句中隔韻 ○从占之字古並讀若砧

上玷已下二字唐韻誤入五十一添 名晏阜阜訛

聲 斯于下莞上簟乃安斯寢 ○古讀若草今韻以草

簟談同用非也凡从草之鐔蟬暉草等字皆與侵寢

聊以娛心兮劇秦美新浸潭之瑞潭與淫同 貶韻

誤入五十 琰 召曼見玷字下 ○案唐韻始東終凡似

取其音可相通轉有周而復始之義故凡范梵三部

之字从凡者多重見於東从乏者或重見於腫然在

古音乏祇可通冬不通東也此貶字亦乏聲當改入

范韻古文貶損之貶作卑

从巢省巢正侵之陰聲云

浸任譌

已上三字

汎

相舟見髮字下

青者我

汎

楊

僭

已下二字

抑

覆

謂我僭民各有心

○

唐韻

奴店切

案店字本

當收在沁韻此章字字相和上句則念彼與浸彼協

音簾與我協下音互與寤協下句則念彼與浸彼協

苞

根念彼周京句首隔韻

○

唐韻

奴店切

案店字本

當收在沁韻此章字字相和上句則念彼與浸彼協

音簾與我協下音互與寤協下句則念彼與浸彼協

苞

根念彼周京句首隔韻

○

而

已上三字

汎

相舟見髮字下

青者我

汎

楊

汎

楊

已

右類字與冬韻合用者前篇所載小戎七月篤

公劉蕩雲漢五詩尙未能備若離離在宮不顯

亦臨則隔句韻也或降于阿或飲于池或寢或

詔則句中隔韻也仲氏任只氏與只擊仲氏任

則本句韻也臨衝崇墉則雙聲韻也墉與衝協

臨與崇協

唐韵正云與爾臨衝韓詩作隆衝後漢避
殤帝諱改隆慮曰林慮荀子書亦作臨慮大率

冬韵之字皆與侵覃有相關通說文眾从𠂔聲
𠂔讀若崑今感勘二韵有採字𦉳字恠字荀氏
易朋益簪作朋益宗魯有崇鼎呂覽謂之岑鼎
韓非謂之讒鼎而春秋仍叔穀梁經作任叔詩
荏菽爾雅謂之戎菽不尤足明三類互通歟

陽聲五下

唐韵平聲十六蒸十七登上聲四十二拯四十三
等詩經未見用上聲字去聲四十七證四十八嶝古音合爲

一部其偏傍見詩者有从丞从徵从𦵏从應从朋

从欠从睪从升从朕从兢从興从登从曾从乙从
弓从瞢从互从乘十有八類凡此類諧聲而唐韵
誤在他部之字立當改入唯與之止志職哈海代
德部可以互收

蒸承懲陵膺朐冰馮繩升勝兢興已上十三字蒸韵登登同

朋崩增憎薨滕騰恆肱見召旻弓已上三字登韵弓已下三字唐韵

誤入一東大叔于田抑釋棚忌抑嚙弓忌小戎蒙伐

有苑虎韞鏤膺交韞二弓竹秘緹滕言念君子載寢

載典厭厭良人秩秩德音采綵之子于狩言韞其弓

之子于釣言綸之繩闕宮公車千乘朱英綠滕二牙

重弓公徒三萬貝冑朱綬烝徒增增○古讀若肱左

傳引逸詩翹翹車乘招我以弓豈不欲往畏我友朋

吳氏韵補曰春秋邾黑肱以濫來奔公羊傳作黑弓

鄉射禮侯道五十弓注今文弓爲肱廣森案此則弓

與官非同音然說文躬从官省聲或从身旁弓莛藉
之營司馬相如說爲芎是又以冬蒸通韻故偏傍得
相借雄無羊爾牧來思以薪以蒸以雄正月謂
也雄山蓋卑爲岡爲陵民之訛言寧莫之懲名彼
故老訊之占夢具曰子聖誰知鳥之雌雄○从玄之
字聲當以韞爲正左傳繇詞兆如山陵有夫出征而
喪其雄正義云古夢雞鳴蟲飛薨薨甘與子同夢會
人讀雄與陵爲韻夢且歸矣無庶子子惜期王乃寢
乃興乃占我夢正月贈彼中林侯薪侯蒸民今方殆
視天夢夢既克有定靡人弗勝有皇上帝伊誰云惜
又見雄字下○古讀若飽陳季立云晉潘岳哀永逝
文既遇日兮無兆曾寤寐兮弗夢既顧瞻兮家道長
寄心兮爾躬始音蒙廣森案此亦冬登通韻耳且其
上文曰歸反哭兮殯官聲有止兮哀無終是乎非乎
何遑趨一遇兮日中中終官躬四字正古音當通登
部者是黃門未嘗讀爲蒙也又左傳正義張叔反論
云賓爵下革田鼠上騰牛哀虎變熊久血爲
麟積灰生蠅傅元潛通賦云聲伯忌瓊瑰而弗占兮
晝言諸而暮終羸王沈璧以祈福兮鬼告凶而命窮
黃母化而爲龍兮鯀殛變而成熊二者所韻不同著

作郎王劭云古人讀雄與熊者皆于陵反張叔用舊音傳元用新音也今考終窮二字古人每用入蒸韻傳氏就讀熊為于陵反不妨仍自通協

兼入之韻一字

陧（錄）拔之陧陧度之藁藁築之登登創屢馮馮百堵皆典馨

鼓弗勝○釋文陧耳升反或如之反

乘證韻

右類字常棣三章召旻六章與冬韻通用小戎

三章閟宮五章大明七章

林典心○餘已分見前注

皆與侵

韻通用

陽聲冬綬蒸類終